



UST

Umhverfisstofnun

Environment and Food Agency of Iceland

Suðurlandsbraut 24  
IS - 108 Reykjavík, Ísland

☎ (+354) 591 2000

Fax (+354) 591 2010

umhverfisstofnun@ust.is

www.umhverfisstofnun.is

Skipulagsstofnun  
Þóroddur F. Þóroddsson  
Laugavegi 166  
150 Reykjavík

Reykjavík, 11. mars 2005

Tilvísun: UST20040600013/bs

### Efnistaka á Blikastaðnesi, Mosfellsbæ. Matsskylda

Vísað er til bréfs Skipulagsstofnunar dags. 7. mars sl. þar sem óskað er álits Umhverfisstofnunar á því hvort ofangreind efnistaka skuli háð mati á umhverfisáhrifum. Í greinargerð ÍAV sem fylgdi með ofangreindu erindi segir m.a.: "Samkvæmt jarðfræðiskýrslunni, er vinnanlegt berg allt frá yfirborði niður fyrir sjávarmál. Reynt verður að ná sem hæstu begstáli til að auka hagkvæmni vinnslunnar, en ekki er gert ráð fyrir að vinna námuna mikið niður fyrir kvóta +2,0 m."


Grunnflatarmál námusvæðisins er 38.000 m<sup>2</sup> og fyrirhugað er að vinna á þessu svæði minna en 150.000 m<sup>3</sup>, en efnistaka umfram það magn er ávallt háð mati á umhverfisáhrifum sbr. 21 tölulið 1. viðauka laga nr. 106/2000 um mat á umhverfisáhrifum.

Á korti ÍAV má sjá að námusvæðið nær yfir svæði sem er á milli hæðarlína +14 m og +10 m. Ef gert er ráð fyrir að þetta sé yfirborð vinnanlegs bergs (þ.e. engin ofanafýting), flatarmál námubotns sé 25.245 m<sup>2</sup> og að hæð námubotns sé í +2 m hæð þá er vinnanlegt berg í námunni miðað við þessar forsendur 252.450 m<sup>3</sup>.

Samkvæmt ofansögðu er umtalsverður munur á því efnismagni sem ÍAV fyrirhugar að vinna í námunni og því efnismagni sem virðist unnt að vinna á sama svæði miðað við þær forsendur sem fram koma í greinargerð ÍAV.

Í ljósi þessa misræmis, óskar Umhverfisstofnun eftir skýringum á hvernig fylgst verður með og tryggt að efnistaka verði ekki yfir 150.000 m<sup>3</sup> og hvernig sú efnistaka samræmist nauðsynlegum aðgerðum varðandi framtíðarnotkun svæðisins, þ.e. nauðsynlegum jarðvegskiptum vegna byggingu golfvallarins á því svæði sem framkvæmdaraðili hefur afmarkað.

Virðingarfyllt

  
Björn Stefánsson

  
Helgi Jónsson

Forstöðumaður